

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-334/22
Sarajevo, 3.3.2022. godine

Z A P I S N I K
17. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 17.2. i 3.3.2022. godine

Sjednica je počela sa radom u 12:24 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate, predstavnike medija, te posebno ministre Vlade Federacije BiH i sve njihove saradnike.

Izostanak sa sjednice su najavili: Daliborka Milović, Goran Broćeta i Zora Dujmović.

Prema evidenciji Stručne službe sjednici prisustvuje 47 delegata što čini većinu pa Dom naroda može raditi i punovažno odlučivati.

Prije prelaska na dnevni red, predsjedavajući je predložio usvajanje Zapisnika sa 16. redovne sjednice i 8. vanredne sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 48 glasova za, bez suzdržanih i bez glasova protiv usvojio Zapisnik sa 16. sjednice Doma naroda, održane 27.1.2022. godine.

Na osnovu rezultata glasanja, predsjedavajući je konstatovao da je Dom naroda, sa 49 glasova za, bez suzdržanih i bez glasova protiv usvojio Zapisnik sa 8. vanredne sjednice Doma naroda.

Prije utvrđivanja dnevnog reda, a na osnovu člana 104. Poslovnika o radu Doma naroda, delegati mogu postaviti delegatska pitanja i pokretati inicijative.

Predsjedavajući je zamolio prisutne da se pridržavaju epidemioloških uvjeta, te da se rasprava po svim tačkama prilagodi uvjetima u kojima se radi.

Elmedin Konaković je zajedno sa Anerom Žuljevićem uputio Inicijativu za formiranje povremenog radnog tijela – Komisije koja će utvrditi činjenice o okolnostima privatizacije i propadanja fabrike duhana te ujedno istakao da bi to trebala biti i tačka na dnevnom redu sjednice.

Pitanje je postavio Vladi Federacije BiH u vezi osnova po kom su podijeljena sredstva za sanaciju dugova u zdravstvenom sektoru.

Damir Marjanović je uputio Inicijativu prema Kolegiju Doma naroda, u vezi pregovora oko Izbornog zakona.

Zvonko Marić je postavio pitanje Vladi Federacije BiH u vezi gašenja Fabrike duhana Sarajevo.

Alisa Hajdarović je postavila jedno pitanje i uputila jednu inicijativu.

Pitanje je postavila Direkciji za robe Federacije BiH, u vezi nepravilnosti koje su u Izvještaju za 2020. godinu naveli federalni revizori, te da li se poduzimaju konkretne aktivnosti na rješavanju pitanja neadekvatnog prostora za smještaj robnih rezervi.

Inicijativu je uputila Vladi Federacije BiH za uvrđivanje Prijedloga zakona o izmjenama i dopunama Zakona o federalnim robnim rezervama ili novog Zakona o federalnim robnim rezervama.

Vibor Handžić je uputio tri inicijative Vladi Federacije BiH.

Prvu inicijativu je uputio vezano za Nacrt zakona o izmjenama i dopunama Zakona o zaštiti prirode u Federaciji BiH, koji je usvojen u Predstavničkom domu 27. septembra 2021. godine.

Druga inicijativa je vezana za Nacrt zakona o zaštiti od nasilja u porodici, a treća je vezana za Prostorni plan Federacije BiH.

Aner Žuljević je uputio dvije Inicijative.

Prvu inicijativu je uputio prema Vladi Federacije BiH, odnosno resornom ministarstvu u vezi presude Općinskog suda u Mostaru, a koja se odnosi na Prostorni plan područja posebnih obilježja.

Drugu inicijativu je uputio prema resornom Ministarstvu zdravstva u vezi informacija oko Zakona o transplantacijama.

Vesna Saradžić je postavila pitanje Vladi Federacije BiH u vezi planiranih aktivnosti za pribavljanje neophodnih sredstava za osiguranje od požara.

Senad Ahmetović je postavio pitanje Vladi Federacije BiH u vezi usklađivanja zakona o porodiljama za sve porodilje na nivou Federacije BiH.

Damir Džeba je uputio Inicijativu da se na nekoj od narednih sjednica uvrsti tačka vezana za funkcioniranje Javnog servisa RTV Federacije BiH.

Predsjedavajući je nakon toga pitao delegate da li imaju nekih prijedloga vezano za izmjene i dopune dnevnog reda.

Senad Čeljo je u svojstvu supredlagača Zakona o izmjeni Zakona o pravima branilaca i članova njihovih porodica, zajedno sa drugim predlagačem Jasminom Duvnjakom, preložio da se sa dnevnog reda sjednice povuče taj zakon, s obzirom da su imali

razgovore sa drugim braniteljskim udrugama i da se priprema set od još četiri zakona na ovu temu, gdje bi na taj način bila obuhvaćena šira populacija.

Predsjedavajući je saopštio da je zahtjev Anera Žuljevića i Elmedina Konakovića da se u dnevni red uvrsti tačka: Formiranje komisije za istraživanje privatizacije Tvornice duhana Sarajevo i Tvornice duhana Mostar.

Predsjedavajući je zamolio članove Kolegija za kratku pauzu, radi konsultacija.

Nakon pauze, predsjedavajući je saopštio da je dogovor Kolegija da se imenovanje ove komisije razmotri pod dijelom koji je predviđenom pod tačkom Izbor i imenovanja.

Vlada Federacije BiH dostavila je Prijedlog Zakona o izmjenama i dopunama Zakona o penzijskom i invalidskom osiguranju s prijedlogom da se razmatra po hitnom postupku.

Na osnovu člana 188. Poslovnika o radu Doma naroda Parlamenta Federacije BiH, potrebno je da se Dom naroda izjasni da li će se ovaj Prijedlog zakona razmatrati po hitnom postupku.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 41 glasom za, bez suzdržanih glasova i bez glasova protiv.

Vlada Federacije BiH dostavila je također sljedeće Prijedloge zakona, s prijedlogom da se razmatraju po skraćenom postupku: Prijedlog Zakona o Gradu Konjic, Prijedlog Zakona o Gradu Stolac, Prijedlog Zakona o Gradu Zavidovići, Prijedlog Zakona o Gradu Orašje, Prijedlog Zakona o Gradu Bosanska Krupa i Prijedlog Zakona o Gradu Lukavac.

Na osnovu rezultata glasanja, predsjedavajući je konstatovao da je prijedlog da se ovi prijedlozi zakona razmatraju po skraćenom postupku, dobio potrebnu većinu, sa 47 glasova za, i dva suzdržana glasa.

Na osnovu rezultata glasanja, predsjedavajući je konstatovao da je prijedlog da se Prijedlog Zakona o Gradu Konjic razmatra po skraćenom postupku, dobio potrebnu većinu, sa 42 glasa za, i dva suzdržana glasa.

Na osnovu rezultata glasanja, predsjedavajući je konstatovao da je prijedlog da se Prijedlog Zakona o Gradu Zavidovići razmatra po skraćenom postupku, dobio potrebnu većinu, sa 49 glasova za, dva suzdržana glasa i bez glasova protiv.

Na osnovu rezultata glasanja, predsjedavajući je konstatovao da je prijedlog da se Prijedlog Zakona o Gradu Orašje razmatra po skraćenom postupku, dobio potrebnu većinu, sa 49 glasova za, dva suzdržana glasa i bez glasova protiv.

Na osnovu rezultata glasanja, predsjedavajući je konstatovao da je prijedlog da se Prijedlog Zakona o Gradu Bosanska Krupa razmatra po skraćenom postupku, dobio potrebnu većinu, sa 49 glasova za, dva suzdržana glasa i bez glasova protiv.

Na osnovu rezultata glasanja, predsjedavajući je konstatovao da je prijedlog da se Prijedlog Zakona o Gradu Lukavac razmatra po skraćenom postupku, dobio potrebnu većinu, sa 49 glasova za, dva suzdržana glasa i bez glasova protiv.

Predsjedavajući je napomenuo da će se pod tačkom Izbor i imenovanja razmatrati prijedlog Odluke o imenovanju članova Vijeća nacionalnih manjina Federacije BiH jer je dosadašnjim članovima Vijeća istekao mandat.

Također, u okviru ove tačke Kolegij Doma naroda predlaže izbor članova u Zajedničku radnu skupinu za izbor i imenovanje kojeg će činiti članovi Predstavničkog doma odnosno članovi Doma naroda jer je članovima, istekao mandat, te prijedlog imenovanja Komisije za istraživanje privatizacije u Tvornici duhana Sarajevo i Tvornici duhana Mostar.

Nakon toga, prešlo se na glasanje o dnevnom redu.

Predsjedavajući je nakon toga, konstatovao da je Dom naroda, sa 51 glasom za, bez glasova protiv i bez suzdržanih glasova, usvojio sljedeći:

DNEVNI RED

1. Prijedlog zakona o izmjenama i dopunama Zakona o penzijskom i invalidskom osiguranju – hitni postupak,
2. Prijedlog zakona o izmjeni Zakona o pripadnosti javnih prihoda u Federaciji Bosne i Hercegovine (predlagači: Jasmin Duvnjak, Slađan Ilić i Ivo Tadić, delegati u Domu naroda Parlamenta Federacije BiH),
3. Prijedlog zakona o Gradu Konjic– skraćeni postupak,
4. Prijedlog zakona o Gradu Stolac– skraćeni postupak,
5. Prijedlog zakona o Gradu Zavidovići– skraćeni postupak
6. Prijedlog zakona o Gradu Orašje– skraćeni postupak
7. Prijedlog zakona o Gradu Bosanska Krupa– skraćeni postupak
8. Prijedlog zakona o Gradu Lukavac– skraćeni postupak,
9. Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje,
10. Prijedlog zakona o slobodnim zonama u Federaciji Bosne i Hercegovine,
11. Prijedlog zakona o izmjenama i dopunama Zakona o poljoprivrednim savjetodavnim službama,
12. Nacrt zakona o rudarstvu Federacije Bosne i Hercegovine,
13. a) Informacija o epidemiološkoj situaciji COVID-19 u Federaciji Bosne i Hercegovine na dan 10.1.2022. s prijedlogom naredbi i preporuka Kriznog štaba Federalnog ministarstva zdravstva,
b) Informacija o epidemiološkoj situaciji COVID-19 u Federaciji Bosne i Hercegovine na dan 24.1.2022. s prijedlogom naredbi i preporuka Kriznog štaba Federalnog ministarstva zdravstva,
14. Informacija Federalnog ministarstva energije, rudarstva i industrije o statusu Projekta izgradnje Bloka 7 – TE Tuzla,
15. Izvještaj o zaduženju Federacije Bosne i Hercegovine po osnovu emisije obveznica (10Y) na dan 9.7.2019. godine,

16. Izvještaj o zaduženju Federacije Bosne i Hercegovine po osnovu emisije obveznica (Aukcija 8.06.2021. godine – 10Y - 30 mil.),
17. Izvještaj o zaduženju Federacije Bosne i Hercegovine po osnovu emisije (7Y) obveznica na dan 12.05.2020. godine,
18. Izvještaj o zaduženju Federacije Bosne i Hercegovine po osnovu emisije obveznica na dan 03.12.2019. godine,
19. Izvještaj o zaduženju Federacije Bosne i Hercegovine po osnovu emisije (15Y) obveznica na dan 9.06.2020. godine,
20. Izvještaj o zaduženju Federacije Bosne i Hercegovine po osnovu emisije obveznica (aukcija 14.7.2020 – 6Y),
21. Izvještaj o zaduženju Federacije Bosne i Hercegovine po osnovu emisije trezorskih zapisa (6M), na dan 17.11.2020. godine,
22. Izvještaj o zaduženju Federacije Bosne i Hercegovine po osnovu emisije trezorskih zapisa (Aukcija 11.05.2021. godine – 6M - 50 mil.),
23. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07. — 31.12.2019. godine,
24. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01. — 30.6.2020. godine,
25. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2019. godinu,
26. Izbor i imenovanja:
 - a) Prijedlog odluke o imenovanju članova Vijeća nacionalnih manjina Federacije BiH,
 - b) Prijedlog članova Komisije za izbor i imenovanja Doma naroda u Zajedničku radnu grupu komisija za izbor i imenovanja oba doma Parlamenta Federacije BiH,
 - c) Prijedlog za formiranje komisije za istraživanje privatizacije Fabrike duhana Sarajevo i Fabrike duhana Mostar.

1. Prijedlog zakona o izmjenama i dopunama Zakona o penzijskom i invalidskom osiguranju – hitni postupak,

Tekst Prijedloga ovog zakona utvrdila je Vlada Federacije BiH, a Predstavnički dom je obavijestio Dom naroda da je na svojoj 28. sjednici, održanoj 21.12.2021. godine usvojio Prijedlog zakona o izmjenama i dopunama Zakona o penzijskom i invalidskom osiguranju sa tri amandmana, od kojih su dva amandmana Vlade Federacije BiH i jedan Amandman kojeg je Vlada Federacije BiH prihvatila, pa su postali sastavni dio Prijedloga zakona.

Na Prijedlog zakona amandmane su podnijeli delegati Rasim Pajić – Amandman, i Jasmin Duvnjak – Amandman koji je identičan Amandmanu o kojem se već prethodno izjasnila Vlada Federacije BiH na sjednici Predstavničkog doma, koji je također prihvaćen.

Vlada Federacije BiH je dostavila Izjašnjenje kojim se prihvata Amandman delegata Jasmina Duvnjaka a kojim se istovremeno ne prihvata Amandman delegata Rasima Pajića.

Prijedlog zakona obrazložio je gospodin Vesko Drljača, zamjenik premijera Vlade Federacije BiH i federalni ministar rada i socijalne politike.

U raspravi su učestvovali Rasim Pajić, Boris Krešić, Igor Stojanović, Aner Žuljević, Nijaz Musić, Ivo Tadić i Vesko Drljača.

Rasim Pajić je zatražio pauzu od 10 minuta.

Nakon pauze, predsjedavajući je konstatovao da postoje nesuglasice oko člana 116. ovog zakona. On je predložio da predlagač ovog amandmana, delegat Rasim Pajić, razmisli o odustajanju od Amandmana a da Dom naroda Zaključkom, zaduži Vladu Federacije BiH da u roku od 30 dana, napravi sve potrebne konsultacije.

Rasim Pajić se nije složio s ovim prijedlogom te je iskazao želju da se o Amandmanu očituje i glasa, jer je riječ o presudama Ustavnog suda.

Predsjedavajući je saopštio da smatra da je najbolje rješenje da se ostavi mogućnost Vladi Federacije BiH da u roku od 30 dana u konsultacijama sa svima, dostavi izmjene i dopune člana koji se odnosi na materiju iz člana 116. ovog Zakona, te da ga u vidu izmjena i dopuna dostavi Parlamentu Federacije BiH na izjašnjenje.

Na osnovu rezultata glasanja, predsjedavajući je konstatovao da ovaj zaključak nije dobio potrebnu većinu, sa 29 glasova za, osam suzdržanih glasova i četiri glasa protiv.

U vezi amandmana Jasmina Duvnjaka a koji je Vlada Federacije BiH prihvatila, Elmedin Konaković je istakao da smatra da se amandmanski može djelovati samo na one članove koji su u predloženom tekstu zakona, a ne na nešto što nije predmet izmjena i dopuna zakona.

U raspravi su učestvovali Rasim Pajić, Nijaz Musić, Boris Krešić, Elmedin Konaković, Vitor Handžić, Aljoša Čampara, Aner Žuljević i Vesko Drljača.

Izmir Hadživdić je konstatovao da se slaže da se ne može podnositi Amandman na osnovni tekst zakona, pa da to postane sastavni dio Zakona o izmjenama i dopunama, mada je naglasio da se i to znalo dešavati u praksi.

Vesko Drljača je istakao da nema ovlaštenje da povuče Zakon.

Predsjedavajući je zatražio kratku pauzu od 10 minuta.

Nakon pauze, predsjedavajući je konstatovao da je odlučeno da se o ovom zakonu Dom ne izjašnjava dok se o njemu ne očituje Zakonodavno-pravna komisija Doma naroda.

Potom je stavio ovaj prijedlog zaključka na glasanje i istakao da će se nastaviti rasprava po ostalim tačkama te zamolio Zakonodavno-pravnu komisiju da u međuvremenu odluči kako postupiti po ovom pitanju.

Na osnovu rezultata glasanja, predsjedavajući je konstatovao da je ovaj zaključak dobio potrebnu većinu, sa 38 glasova za, dva suzdržana glasa i dva glasa protiv.

2. Prijedlog zakona o izmjeni Zakona o pripadnosti javnih prihoda u Federaciji Bosne i Hercegovine (predlagači: Jasmin Duvnjak, Slađan Ilić i Ivo Tadić, delegati u Domu naroda Parlamenta Federacije BiH),

Predlagači ovog Zakona su Jasmin Duvnjak, Slađan Ilić i Ivo Tadić.

Predstavnički dom obavijestio je Dom naroda da je na 29. sjednici, održanoj 24.1.2022. godine usvojio Prijedlog zakona o izmjeni Zakona o pripadnosti javnih prihoda u Federaciji BiH, u tekstu predlagača.

Tekst Prijedloga zakona delegata u Domu naroda istovjetan je Prijedlogu zakona koji je podnijela grupa poslanika u Predstavničkom domu.

Prijedlog zakona dostavljen je Vladi Federacije BiH radi davanja mišljenja.

Na Prijedlog zakona zajednički amandman su podnijeli delegati: Aner Žuljević i delegatkinja Segmedina Srna Bajramović.

Prijedlog zakona obrazložili su Ivo Tadić i Slađan Ilić.

Predsjedavanje domom preuzeo je Aljoša Čampara, potpredsjedavajući Doma naroda.

U raspravi su učestvovali Elmedin Konaković, Zvonko Marić, Igor Stojanović, Damir Marjanović, Ramo Isak, Senad Alić, Senad Ahmetović, Senad Čeljo, Vibor Handžić, Dževad Hadžić, Segmedina Srna-Bajramović, Damir Džeba, Hadis Jusić, Fahrudin Skopljak, Aner Žuljević, Jelka Milićević i Aljoša Čampara.

Na osnovu rezultata glasanja, predsjedavajući je konstatovao da je Prijedlog zakona o izmjeni Zakona o pripadnosti javnih prihoda u Federaciji Bosne i Hercegovine dobio potrebnu većinu, sa 31 glasom za, tri suzdržana glasa i pet glasova protiv.

Predsjedavajući je potom predložio da za predstojeće tačke koje se odnose na gradove, prvobitno da obrazloženje, a da se onda može voditi rasprava.

- 3. Prijedlog zakona o Gradu Konjic– skraćeni postupak,**
- 4. Prijedlog zakona o Gradu Stolac– skraćeni postupak,**
- 5. Prijedlog zakona o Gradu Zavidovići– skraćeni postupak**
- 6. Prijedlog zakona o Gradu Orašje– skraćeni postupak**
- 7. Prijedlog zakona o Gradu Bosanska Krupa– skraćeni postupak**
- 8. Prijedlog zakona o Gradu Lukavac– skraćeni postupak,**

Prijedloge zakona obrazložio je Enver Išerić, predstavnik Federalnog ministarstva pravde.

U raspravi su učestvovali Senad Ahmetović, Zvonko Marić i Alisa Hajdarović.

Predsjedavajući je potom stavio na glasanje Prijedlog zakona o Gradu Konjic.

Na osnovu rezultata glasanja, predsjedavajući je konstatovao da je Prijedlog zakona o Gradu Konjic dobio potrebnu većinu, sa 45 glasova za, i jednim suzdržanim glasom.

Na osnovu rezultata glasanja, predsjedavajući je konstatovao da je Prijedlog zakona o Gradu Stolac dobio potrebnu većinu, sa 36 glasova za, dva suzdržana glasa i jednim glasom protiv.

Na osnovu rezultata glasanja, predsjedavajući je konstatovao da je Prijedlog zakona o Gradu Zavidovići dobio potrebnu većinu, sa 41 glasom za, jednim suzdržanim glasom i bez glasova protiv.

Na osnovu rezultata glasanja, predsjedavajući je konstatovao da je Prijedlog zakona o Gradu Orašje dobio potrebnu većinu, sa 43 glasa za, jednim suzdržanim glasom i bez glasova protiv.

Na osnovu rezultata glasanja, predsjedavajući je konstatovao da je Prijedlog zakona o Gradu Bosanska Krupa dobio potrebnu većinu, sa 43 glasa za, jednim suzdržanim glasom i bez glasova protiv.

Na osnovu rezultata glasanja, predsjedavajući je konstatovao da je Prijedlog zakona o Gradu Lukavac dobio potrebnu većinu, sa 43 glasa za, jednim suzdržanim glasom i bez glasova protiv.

Predsjedavajući je potom saopštio da se vraćaju na tačku:

1. Prijedlog zakona o izmjenama i dopunama Zakona o penzijskom i invalidskom osiguranju - hitni postupak

Jasmin Duvnjak je povukao amandman na ovaj prijedlog zakona.

Zdenka Džambas, u ime Zakonodavno-pravne komisije Doma naroda pročitala je Zaključak koji je Zakonodavno-pravna komisija donijela.

U daljnjoj raspravi su učestvovali Nijaz Musić, Vesko Drljača, Aner Žuljević i Elmedin Konaković.

Na osnovu rezultata glasanja, predsjedavajući je konstatovao da je sa 45 glasova za, beu suzdržanih i bez glasova protiv, Dom naroda prihvatio sljedeći:

Z A K L J U Č A K

1. Dom naroda smatra da je Vlada Federacije BIH prihvatajući amandman Jasmina Duvnjaka, delegata u Domu naroda, na član 82. Zakona, prekršila Ustav Federacije BIH i Poslovnik o radu Doma naroda Parlamenta Federacije BIH iz razloga jer član 82. nije bio tretiran izmjenama i dopunama ovog zakona.

2. Zadužuje se Vlada Federacije BiH da u roku od 15 dana otkloni navedene nepravilnosti i u proceduru uputi odgovarajući tekst zakona uzimajući u obzir primjedbe, prijedloge i sugestije iznesene u raspravi.

Sjednica je prekinula s radom u 18 sati i 45 minuta.

* * *

Transkript sjednice čini sastavni dio Zapisnika.

* * *

Nastavak sjednice od 3.3.2022. godine

Sjednica je počela s radom u 12:14 sati.

Sjednicom je predsjedavao Tomislav Martinović, predsjedavajući Doma naroda.

Predsjedavajući je pozdravio prisutne delegate i sve predstavnike Vlade Federacije BiH.

Izostanak sa sjednice su najavili sljedeći delegati: Senad Ahmetović, Nikica Bosnić, Vesna Saradžić, Rasim Kantarević i Hadis Jusić.

Prema evidenciji Stručne službe sjednici prisustvuje 34 delegata, što čini većinu pa Dom naroda može raditi i punovažno odlučivati.

Za nastavak sjednice preostale su sljedeće tačke dnevnog reda:

9. Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje,
10. Prijedlog zakona o slobodnim zonama u Federaciji Bosne i Hercegovine,
11. Prijedlog zakona o izmjenama i dopunama Zakona o poljoprivrednim savjetodavnim službama,
12. Nacrt zakona o rudarstvu Federacije Bosne i Hercegovine,
13. a) Informacija o epidemiološkoj situaciji COVID-19 u Federaciji Bosne i Hercegovine na dan 10.1.2022. s prijedlogom naredbi i preporuka Kriznog štaba Federalnog ministarstva zdravstva,
b) Informacija o epidemiološkoj situaciji COVID-19 u Federaciji Bosne i Hercegovine na dan 24.1.2022. s prijedlogom naredbi i preporuka Kriznog štaba Federalnog ministarstva zdravstva,
14. Informacija Federalnog ministarstva energije, rudarstva i industrije o statusu Projekta izgradnje Bloka 7 – TE Tuzla,

15. Izvještaj o zaduženju Federacije Bosne i Hercegovine po osnovu emisije obveznica (10Y) na dan 9.7.2019. godine,
16. Izvještaj o zaduženju Federacije Bosne i Hercegovine po osnovu emisije obveznica (Aukcija 8.06.2021. godine – 10Y - 30 mil.),
17. Izvještaj o zaduženju Federacije Bosne i Hercegovine po osnovu emisije (7Y) obveznica na dan 12.05.2020. godine,
18. Izvještaj o zaduženju Federacije Bosne i Hercegovine po osnovu emisije obveznica na dan 03.12.2019. godine,
19. Izvještaj o zaduženju Federacije Bosne i Hercegovine po osnovu emisije (15Y) obveznica na dan 9.06.2020. godine,
20. Izvještaj o zaduženju Federacije Bosne i Hercegovine po osnovu emisije obveznica (aukcija 14.7.2020 – 6Y),
21. Izvještaj o zaduženju Federacije Bosne i Hercegovine po osnovu emisije trezorskih zapisa (6M), na dan 17.11.2020. godine,
22. Izvještaj o zaduženju Federacije Bosne i Hercegovine po osnovu emisije trezorskih zapisa (Aukcija 11.05.2021. godine – 6M - 50 mil.),
23. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07. — 31.12.2019. godine,
24. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01. — 30.6.2020. godine,
25. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2019. godinu,
26. Izbor i imenovanja:
 - a) Prijedlog odluke o imenovanju članova Vijeća nacionalnih manjina Federacije BiH,
 - b) Prijedlog članova Komisije za izbor i imenovanja Doma naroda u Zajedničku radnu grupu komisija za izbor i imenovanja oba doma Parlamenta Federacije BiH,
 - c) Prijedlog za formiranje komisije za istraživanje privatizacije Fabrike duhana Sarajevo i Fabrike duhana Mostar.

9. Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje,

Prijedlog zakona je utvrdila Vlada Federacije BiH.

Predstavnički dom obavijestio je Dom naroda da je na 22. sjednici, održanoj 26.5.2021. godine usvojio Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje, s jednim Amandmanom Vlade Federacije BiH, koji je postao sastavni dio teksta Prijedloga zakona.

Na Prijedlog zakona amandmane su podnijeli delegat Aner Žuljević – tri amandmana, Klub delegata hrvatskog naroda – tri amandmana, delegat Žarko Vujović – tri amandmana.

Amandmani su dostavljeni Vladi Federacije BiH, koja je dostavila izvještaje kojim ne prihvata podnesene amandmane.

Prijedlog zakona razmatrala su i nadležna radna tijela koja su dostavila svoje izvještaje.

Prijedlog zakona obrazložila je Marina Bera, predstavnica Vlade Federacije BiH.

Delegatima se obratio i direktor Zavoda za javno zdravstvo Federacije BiH, Siniša Skočibušić.

U raspravi su učestvovali Zdenka Džambas, Jasmin Duvnjak, Ljubinka Atanasijević, Marija Iličić, Zvonko Marić, Mirela Trepanić, Ilija Nakić, Aner Žuljević, Žarko Vujović, Damir Marjanović, Igor Stojanović, Ivo Tadić, Boris Krešić i Snježana Bodnaruk.

Predsjednik Kluba delegata hrvatskog naroda Ivo Tadić zatražio je pauzu pet do 10 minuta, prije izjašnjavanja po Amandmanima.

Predsjedavajući je prije pauze, u ime Kolegija Doma naroda, pročitao:

IZJAVA

1. Dom naroda Parlamenta Federacije BiH najoštrije osuđuje vojnu agresiju Ruske Federacije na Ukrajinu koja je nezavisna i suverena država.
2. Dom naroda Parlamenta Federacije BiH ističe da rat i agresija nisu način za rješavanje političkih pitanja već donose stradanja i smrt svih stanovnika Ukrajine sa nesagledivim posljedicama po njihovu budućnost.
3. Dom naroda Parlamenta Federacije BiH daje punu podršku državnim institucijama kad je u pitanju usklađivanje vanjske politike BiH s vanjskom politikom EU u odnosu na ovu vojnu agresiju.
4. Izražavamo svoju potpunu spremnost pomoći izbjeglicama iz Ukrajine ukoliko se oni odluče na svoj boravak u Federaciji BiH.

Na osnovu rezultata glasanja, predsjedavajući je konstatovao da je Dom naroda jednoglasno prihvatio tekst Izjave.

Predsjedavajući je, nakon toga, na zahtjev predsjednika Kluba delegata hrvatskog naroda dao pauzu od 15 minuta.

Nakon pauze, Ivo Tadić je saopštio da Klub delegata hrvatskog naroda predlaže da se na ovoj sjednici po ovoj tački ne izjašnjavaju, već da se to odgodi za narednu sjednicu.

U vezi ovog prijedloga u raspravi su učestvovali Damir Marjanović, Igor Stojanović, Ivo Tadić, Zvonko Marić, Sandra Imširović, Tomislav Martinović i Aljoša Čampara.

Nakon rasprave, predsjedavajući je stavio na glasanje Zaključak da se izjašnjavanje o ovom zakonu odgodi za prvu narednu sjednicu Doma naroda.

Na osnovu rezultata glasanja, predsjedavajući je konstatovao da je ovaj zaključak dobio potrebnu većinu.

10. Prijedlog zakona o slobodnim zonama u Federaciji Bosne i Hercegovine,

Tekst Prijedloga zakona utvrdila je Vlada Federacije BiH.

Predstavnički dom obavijestio je Dom naroda da je na 28. sjednici, održanoj 21.12.2021. godine, usvojio Prijedlog zakona o slobodnim zonama u Federaciji Bosne i Hercegovine u tekstu kako ga je predložila Vlada Federacije BiH.

Tekst Prijedloga zakona razmatrala su i nadležna radna tijela.

Prijedlog zakona obrazložio je Zlatan Vujanović, predstavnik Vlade Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je, sa 32 glasa za, bez glasova protiv i bez suzdržanih glasova, ovaj Prijedlog zakona dobio potrebnu većinu.

11. Prijedlog zakona o izmjenama i dopunama Zakona o poljoprivrednim savjetodavnim službama,

Tekst Prijedloga zakona je utvrdila Vlada Federacije BiH.

Predstavnički dom obavijestio je Dom naroda da je na 18. sjednici, održanoj 26.1.2021. godine, usvojio Prijedlog zakona o izmjenama i dopunama Zakona o poljoprivrednim savjetodavnim službama u tekstu kako ga je predložila Vlada Federacije BiH.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona obrazložila je predstavnica Vlade Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je, sa 32 glasa za, bez glasova protiv i bez suzdržanih glasova, ovaj Prijedlog zakona dobio potrebnu većinu.

12. Nacrt zakona o rudarstvu Federacije Bosne i Hercegovine

Tekst Nacrta zakona utvrdila je Vlada Federacije BiH.

Predstavnički dom obavijestio je Dom naroda da je na svojoj 26. sjednici razmatrao Nacrt zakona o rudarstvu Federacije Bosne i Hercegovine.

Nacrt zakona obrazložio je Amir Halilčević, pomoćnik Federalnog ministra energije, rudarstva i industrije za Sektor rudarstva.

U raspravi je učestvovao Aner Žuljević.

Na osnovu rezultata glasanja, predsjedavajući je konstatovao da je sa 35 glasova za, bez suzdržanih glasova i bez glasova protiv prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o rudarstvu Federacije BiH i smatra da može poslužiti kao osnov za izradu Prijedloga zakona.
2. Zadužuje se predlagač da organizuje i provede javnu raspravu u trajanju od 60 dana u skladu sa procedurama u Ustavu Federacije BiH za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije BiH da ovaj Zaključak i Nacrt zakona o rudarstvu Federacije BiH dostavi kantonalnim skupštinama radi davanja mišljenja u roku od 60 dana od dana dostavljanja ovog zaključka.
4. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici, kao i mišljenja kantonalnih skupština i mišljenja iznesenih u javnoj raspravi.

13.a) Informacija o epidemiološkoj situaciji COVID-19 u Federaciji Bosne i Hercegovine na dan 10.1.2022. s prijedlogom naredbi i preporuka Kriznog štaba Federalnog ministarstva zdravstva,

b) Informacija o epidemiološkoj situaciji COVID-19 u Federaciji Bosne i Hercegovine na dan 24.1.2022. s prijedlogom naredbi i preporuka Kriznog štaba Federalnog ministarstva zdravstva,

Predstavnički dom obavijestio je Dom naroda da je na svojoj 29. sjednici, održanoj 24.1.2021. godine, razmatrao i primio k znanju Infomaciju o epidemiološkoj situaciji COVID-19 u Federaciji Bosne i Hercegovine na dan 10.1.2022. i 24.1.2022. godine, s prijedlogom naredbi i preporuka Kriznog štaba Federalnog ministarstva zdravstva.

Informacije je obrazložio Goran Čerkez, predstavnik Federalnog ministarstva zdravstva.

Predsjedanje domom nakratko je preuzeo Aljoša Čampara, potpredsjedavajući Doma naroda.

U raspravi niko nije učestvovao.

Potpredsjedavajući je konstatovao da su ove informacije primljene k znanju.

14. Informacija Federalnog ministarstva energije, rudarstva i industrije o statusu Projekta izgradnje Bloka 7 – TE Tuzla,

Vlada Federacije BiH dostavila je Parlamentu Federacije BiH, radi informisanja Infomaciju Federalnog ministarstva energije, rudarstva i industrije o statusu Projekta izgradnje Bloka 7 – TE Tuzla.

Predstavnički dom obavijestio je Dom naroda da je na 27. sjednici, održanoj 30.11.2021. godine, primio ovu Informaciju k znanju.

Informaciju je razmatralo i nadležno radno tijelo i dostavilo svoj izvještaj.

Informaciju je obrazložio Edin Bešić, rukovodilac Sektora za implementaciju projekata u JP Elektroprivreda BiH.

U raspravi su učestvovali Elmedin Konaković, Aner Žuljević i Zvonko Marić.

S obzirom da se radi o materijalu koji je dostavljen Parlamentu Federacije BiH radi informisanja, potpredsjedavajući je konstatovao da je Dom naroda primio k znanju Informaciju Federalnog ministarstva energije, rudarstva i industrije o statusu Projekta izgradnje Bloka 7 – TE Tuzla.

- 15. Izvještaj o zaduženju Federacije Bosne i Hercegovine po osnovu emisije obveznica (10Y) na dan 9.7.2019. godine,**
- 16. Izvještaj o zaduženju Federacije Bosne i Hercegovine po osnovu emisije obveznica (Aukcija 8.06.2021. godine – 10Y - 30 mil.),**
- 17. Izvještaj o zaduženju Federacije Bosne i Hercegovine po osnovu emisije (7Y) obveznica na dan 12.05.2020. godine,**
- 18. Izvještaj o zaduženju Federacije Bosne i Hercegovine po osnovu emisije obveznica na dan 03.12.2019. godine,**
- 19. Izvještaj o zaduženju Federacije Bosne i Hercegovine po osnovu emisije (15Y) obveznica na dan 9.06.2020. godine,**
- 20. Izvještaj o zaduženju Federacije Bosne i Hercegovine po osnovu emisije obveznica (aukcija 14.7.2020 – 6Y),**
- 21. Izvještaj o zaduženju Federacije Bosne i Hercegovine po osnovu emisije trezorskih zapisa (6M), na dan 17.11.2020. godine,**
- 22. Izvještaj o zaduženju Federacije Bosne i Hercegovine po osnovu emisije trezorskih zapisa (Aukcija 11.05.2021. godine – 6M - 50 mil.),**

Potpredsjedavajući je predložio da se obavi jedinstvena rasprava jer ima više ovih izvještaja.

Potpredsjedavajući je, zbog neprisustva predlagača, konstatovao da su ove tačke skinute s dnevnog reda.

- 23. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07. — 31.12.2019. godine,**

Vlada Federacije BiH dostavila je Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07. — 31.12.2019. godine, radi razmatranja i usvajanja.

Predstavnički dom obavijestio je Dom naroda da je na 15. sjednici, održanoj 15.10.2020. godine, usvojio Izvještaj o radu i finansijsko-materijalnom poslovanju

Federalne agencije za upravljanje oduzetom imovinom za period 01.07. — 31.12.2019. godine.

24. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01. — 30.6.2020. godine,

S obzirom na neprisustvo predlagača, potpredsjedavajući je konstatovao da je i ova tačka skinuta s dnevnog reda.

25. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2019. godinu,

Na osnovu članova 10. i 34. stava 1. Zakona o Ombudsmenima za ljudska prava BiH, Institucija Ombudsmena za ljudska prava BiH dostavlja Parlamentu Federacije BiH svoj godišnji izvještaj.

Predstavnički dom je razmatrao i primio k znanju ovaj izvještaj 30.3.2021. godine.

Nije bilo potrebe da se obrazloži Godišnji izvještaj.

Potpredsjedavajući je konstatovao da je Dom naroda primio k znanju Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2019. godinu.

26. Izbor i imenovanja:

- a) **Prijedlog odluke o imenovanju članova Vijeća nacionalnih manjina Federacije BiH,**
- b) **Prijedlog članova Komisije za izbor i imenovanja Doma naroda u Zajedničku radnu grupu komisija za izbor i imenovanja oba doma Parlamenta Federacije BiH,**
- c) **Prijedlog za formiranje komisije za istraživanje privatizacije Fabrike duhana Sarajevo i Fabrike duhana Mostar.**

a) Prijedlog odluke o imenovanju članova Vijeća nacionalnih manjina Federacije BiH,

Prijedlog odluke utvrdile su komisije za izbor i imenovanja oba doma Parlamenta Federacije BiH.

Predstavnički dom obavijestio je Dom naroda da je na 29. sjednici, održanoj 24.1.2022. godine, donio Odluku o imenovanju članova Vijeća nacionalnih manjina Federacije BiH.

Predsjedavanje domom ponovo je preuzeo Tomislav Martinović.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 32 glasa za, bez suzdržanih glasova i bez glasova protiv, prihvatio Prijedlog odluke o imenovanju članova Vijeća nacionalnih manjina Federacije BiH.

b) Prijedlog članova Komisije za izbor i imenovanja Doma naroda u Zajedničku radnu grupu komisija za izbor i imenovanja oba doma Parlamenta Federacije BiH,

Komisija za izbor i imenovanja Doma naroda nakon razmatranja tačke Izbora članova u Zajedničku radnu grupu komisija za izbor i imenovanja oba doma Parlamenta Federacije BiH, donijela je Zaključak kojim predlaže Domu naroda da se u Zajedničku radnu grupu Komisije za izbor i imenovanja Doma naroda delegiraju: Tomislav Mandić, Alisa Hajdarović i Goran Broćeta.

Predsjedavajući je saopšio delegatima da je Tomislav Mandić imao nezgodu i da nije u mogućnosti obrazložiti ovaj prijedlog.

U raspravi niko nije učestvovao.

Predsjedavajući je konstatovao da je sa 31 glasom za, tri suzdržana glasa i bez glasova protiv, prihvatio sljedeći:

Z A K L J U Č A K

Dom naroda za Zajedničku radnu grupu Komisije za izbor i imenovanje oba doma Parlamenta Federacije BiH u ime Komisije za izbor i imenovanja Doma naroda delegira: Tomislava Mandića, Alisu Hajdarović i Gorana Broćetu.

c) Prijedlog za formiranje komisije za istraživanje privatizacije Fabrike duhana Sarajevo i Fabrike duhana Mostar.

Delegati Aner Žuljević i Elmedin Konaković su pokrenuli Inicijativu da se uspostavi povremeno radno tijelo Doma naroda Parlamenta Federacije BiH koje će utvrditi činjenice i okolnosti privatizacije i propadanja navedenih tvornica.

Predložen je naziv komisije koja će brojati 11 članova.

Inicijativu je obrazložio Elmedin Konaković.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 36 glasova za, jednim suzdržanim glasom i bez glasova protiv, prihvatio Prijedlog za formiranje komisije za istraživanje privatizacije Fabrike duhana Sarajevo i Fabrike duhana Mostar.

Predsjedavajući je nakon toga, predložio da se kratko čuje obrazloženje za dvije tačke kod kojih predlagač ranije nije bio prisutan.

Delegati su se složili s ovim prijedlogom predsjedavajućeg.

23. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07. — 31.12.2019. godine,

24. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01. — 30.6.2020. godine,

Izvještaje o radu obrazložio je Adnan Zeković, predstavnik Federalne agencije za upravljanje oduzetom imovinom, te uputio izvinjenje prisutnima zbog opravdanog kašnjenja.

U raspravi niko nije učestvovao.

Na osnovu rezultata glasanja, predsjedavajući je konstatovao da sa 27 glasova za, bez suzdržanih glasova i osam glasova protiv, Dom naroda nije prihvatio sljedeći:

ZAKLJUČAK

Dom naroda Parlamenta Federacije BiH usvaja Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07.-31.12.2019. godine.

Na osnovu rezultata glasanja, predsjedavajući je konstatovao da sa 22 glasa za, bez suzdržanih glasova i 12 glasova protiv, Dom naroda nije prihvatio sljedeći:

ZAKLJUČAK

Dom naroda Parlamenta Federacije BiH usvaja Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01.-30.06.2020. godine.

Sjednica je završila s radom u 16:25 sati.

* * *

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAVAJUĆI
Tomislav Martinović